



خجالی
واصفی

خجالی
واصفی

کلا
واصفی

نعت ۴

توں سلطان زمانے بھر دا میں برے دا بردا
فکر عذاباں دے وچ بھلیا رستہ تیرے گھر دا
تیری نعت نوں غزل بناں دا دل سی اہڈا کردا
دسن والی گل نہیں کوئی کاسہ نہیں پیا بھر دا
ساڈی دھرتی نظر کرم دی ہے محتاج تیری
ساڈی فریاداں نوں مولا بخشو فیض اثر دا
جتنے نعت نبی دی ہوئے، اتھے اوس دا جلوہ
چھوٹی وڈی نعت نہ ہندی، پیش کر دجو سردا
کتنے لکھ کروڑ سوالی در تیرے تے آون
واصف وی و سنیک کہاں تیرے نورنگر دا

سی حرفی

الف اللہ دی رمز انوکھی ، عقلاں نال نال بل دا
عقلاں والا مرد وچارا نامحرم منزل دا
اللہ نیڑے ہوندا اے جد سجدہ ہووے دل دا
واصف یار اللہ نوں بھنا کم نیئیں عاقل دا

ب بزار وکاندا یوسف آپے مالک گھر دا
دیکھن والے ویکھ نہ سکدے یوسف دل دلبر دا
یاد زلیخا مصر لیائی تے آیا ڈگ دا مردا
واصف یار میں اُس دے صدقے جو بروے دا بروا

پ پر دسی کد تک رہنا آخر دیں سدھانا
ایہہ دُنیا دن چار دا میلہ اج آوے کل جانا
باہل دا گھر ریت دا کوٹھا تیرا دُور ٹھکانا
واصفَ یار ہنیر یوں نکلے جوں مٹی چوں دانا

ت تارے روندے چن نہ ملیا تارے بازی ہارے
ملیا چن تے کُک کُک جانڈے تارے شرماں مارے
یار دا جلوہ لبھدے لبھدے سوں گئے کئی وچارے
واصفَ یار جگا کے بل دا او ڈوبے او تارے

ٹ ٹردیاں ٹردیاں عمر وہائی ابے وی یار نہ ملیا
دلبر بل داتاں کُچھ کھل دا دل دا پھل نہ کھلیا
شاہ رگ دے وچ یار دا ڈیرا، جگ بھولا کیوں بھلیا
واصفَ یار دی زلف دا گنڈل مرشد باہجھ نہ کھلیا

ث ثبوت نہ منگو میتھوں نظر کرم کہ ہوتی
میں جاناں او دلبر جانے غیر نہ جانے کوئی
میں مسکین پُرانا خادم کس در ملی نہ ڈھوئی
واصف یار نے نظر جو کیتی واصف واصف ہوتی

ج جواب سوال نہ پچھو کیہ ہے روگ اساڈا
دل دا روگ او دلبر جانے جھگڑا کی تِساڈا
آپ ہتے تے آپ ای رووے آپ توں آپ ہتے ڈاڈھا
واصف یار جدائی چنگی کہہ گیا یار اساڈا

ش چارے پاسے دھماں پتیاں آیا یار قدیمی
اکھ ہووے تے دیکھو ہر دم اوس دی شان رحیمی
چنگا مندا کجھ نہ پچھے شرط فقط مسکینی
واصف یار منافق مارے باقی سب کریمی

ح حضورِی ہر دم دل، دی بر سجدے کی دھرناں
اوس دے نام جوایا سانوں اوس دے نام توں مرناں
اوس دی یاد خزانہ کافی پیسے نوں کی کرناں
واصف یار نماز پڑھائی ہور اسال کی پڑھناں

خ خبر لیاوو دلبردی، دل روند آہاں بھر کے
دل دے اندر دلبر رہندا لبھدا اے مرمر کے
شاہ حسین نوں مولا ملیا ویکھیا نیزے چڑھ کے
واصف یار نے جت لئی بازی چپ کر کے تے ہر کے

د وروء سلام کروڑاں جس دی شان ہے عالی
ساوا روضہ نظریں آیا جیوے باغ دا مالی
باغ اُمت دا ساوا ہويا دتی یار وکھالی
واصف یار مرن توں پہلے مرناں گل نرالی

ذکر فکر اذکار بتھیرے کیتے اُپتے نیویں
اوس واناں سے اپنا ذکر "میں" مرے تاں جیویں
راہ فراق دا واصل باللہ شالا محرم تھیویں
واصف یار نیں کفنی پائی توں کی بیٹھا سیویں

رات اے منزل، دن مسافر، دونویں پچھے آگے
اک یاد کرے اک یار دا جلوہ گل ایہہ ہتھ نہ لگے
مُونجھ فرید نیں روہی گاہی کالے دھولے، بگتے
واصف یار نوں دُور کی لبھنا نیڑے امی شاہ رگے

ز زور کروتے او زور آور ہسڑ سٹوتے ہسڑ مل دا
دل دیاں گلاں ہونٹ کی بولن دل محرم ہے دل دا
تھل دا راہی روند جاندا تے بھلا عالم کھل دا
واصف یار دی یاد پیالہ پی شراب وصل دا

س سارے جھگڑے مک گئے جس دم کلمہ یار پڑھایا
تارے آئے نیندر لے کے، سورج آن جگایا !
مذہب بھتے تے دین اکلہا، ایہ سوہنے فرمایا
واصف یار نے جلوہ دے کے جھیڑا سب مُکھایا

ش شوق چراغ جلاؤ دل وچ ہوون دُور ہنیرے
جتھے شوق دے دیوے بلدے چانن چار چوہیرے
شوق دی منزل ہر منزل توں اگے ہو ر اگیرے
واصف یار چلو چل ویسے جتھے شوق دے ڈیرے

ص صبر دی صورت کوئی ناں اگ لگی چو پاسے
اپنے یار یاراں توں مارن لیڈر مارن ہاسے
اچیاں لمیاں گلاں کر دے تڑدے نیں ہکواسے
واصف یار نظر دا شربت پی کا سے تے کا سے

طہ طریقت آپ شریعت نام نویں کیوں رکھیے
اللہ مالک اللہ خالق کی ہوا نون چکھیے
کالی کملی والا مالک کنت نال ہی رکھیے
واصف یار شہید نمازی کی جانن وکھو وکھیے

ظ ظروف محبتاں والے بنے بنائے آون
بوترابی شان ایہناں دی اکھاں دے وچ ساون
دل دے زخم پُرانے لگ دے کی حکیم دساون
واصف یار دی میم دے گنڈل سارا جگ پھساون

ع عبور ضرور اے سانوں پر سمندر ڈونگھے
دل دی کشتی دل مسافر بل دے دلبر ڈونگھے
سیپ دے اندر موتی بلدے، بلدے مر مر ڈونگھے
واصف یار نہیں رمز پچھاتی ڈبتے تر تر ڈونگھے

غ غافل نہیں اکھاں بنھیاں نظریں آن ہنیرے
پیسیہ پیسیہ جوڑیاں اوس نہیں بنک لگائے ڈیرے
عقل دی گل نہ سن دا جاہل مارو سو سو پھیرے
واصف یار ایہہ اکھاں کھل سن موت ہوسی جد نیرے

ف فرید تھلاں دا راہی روہی روہی روند
یار دی یاد جگا کے رہندی کیہہ جانے جو سوندا
عاشقی روندے چنگے لگ دے نہ روون کچھ ہوندا
واصف یار نوں رو کے ملیا، ہن کیوں مل کے روند

ق قوالیاں ودھ ودھ سُن دے رہندے نہیں ہتھ خالی
خالی ساتی تے جام وی خالی تے کاسہ آپے خالی
نام رکھاون آقا والے در در پھرن سواہی
واصف یار نے اکھ ملائی اندر باہر قوالی

ک کتاباں لکھ لکھ بھر دے پچھو ایہہ کی کہندے
اج توں پہلے کتھے وسدے تے کتھے سن اے رہندے
اے تاں مینوں پاگل وسدے سچی گل نہ سہندے
واصف یار اے مذہبی بندے بندیاں نال پٹے کھندے

ل لیکھ تے ویکھ او جو گیا وے کیہہ مناسی کیہہ مل گیا
اسی لہندے کیہہ سال کیہہ ملیا اکھاں ملیاں تے ہتھاں چوں دل گیا
دین والے دی مرضی وا کھیل اے سب کتتی نظر تے غنچہ کھل گیا
واصف یار نوں فیض قلندری اے نعرہ ماریا عرش وی بل گیا

م ماں آکھے میری رات دا چانن میں واری میں واری
باپ آکھے میرے دل دا سورج ساڈی دھی پیاری
چل دھیے کسراں نوں جاناں آکھن وارو واری
واصف یار ہے جت او سے دی جس نے بازی ہاری

نون نماز عشق ناں پڑھدا، پڑھدا نیزے چڑھ کے
وصل فراق توں عشق اگیرے آیا از لوں پڑھ کے
مر کے جینا، جی کے مرنا، تے کی کرنا اے ڈر کے
واصف یارِ حُسن دیاں فوجاں آسیاں گھوڑے چڑھ کے

و واصف مُدھ قدیم دا بردا اج دی گل نہ کر دا
ایہہ "الست" نول ڈھونڈن چلیا نہ ڈھونڈے تے مر دا
ایس دے راز انوکھے دسدے جشی بازی ہر دا
واصف یار نے سبق پڑھایا او جیوندا جو مر دا

ہ ہزاراں عالم مل کے کی دسن میں کیہڑا
میں ویکھاں او ویکھ نہ سکدے ایسے گل دا جھیرا
اکھ نہ کھلے تے رات ہنیری سُنجا دسا و پھرا
واصف یار نے سد بلایا میں کیہڑا تے کیہڑا

می یار دی گل نہ غیر جانن بلبل جانندی پھل گلاب نول اے
بلبل چپ ہووے پھل سٹر جاندا مالی جاندا ایس حساب نول اے
شاہ رگ کتھے لامکان کتھے اسی پڑھیا اوس کتاب نول اے
واصف یار کچھے کیوں چپ واصف ہن بھدا آپ جواب نول اے

سی حرفیاں نال نہ گل مکدی، مکدی یار دی نظروے نال اے گل
تسی شروع کرو، تسی ختم کرو، تہاڈی اپنی اپنے نال اے گل
غیر غیراں دے نال پنے گل کروے، اپنے کروے نہیں اپنے نال اے گل
واصف یار انوکھڑی گل مل گئی، اکھاں کر دیاں دل دے نال اے گل

چادر

وارث شاہ نوں کراں سلام پہلوں، کراں پیش عقیدتاں نال چادر
بڑے ادب دے نال تیار کیتی، دستے پیر نوں دلاں داحال چادر
کرے پنچ کے یار دادل راضی، پائے گلیاں وچ دھمال چادر
ہتھ بھٹھ کے سنگتاں نال آوے، وارث شاہ دانگے جمال چادر
وارث کھول دے مُنہ خزانیاں دا، کرے روکے اج سوال چادر
مستی لے کے جامِ الست وچوں کیتا یار دے نال وصال چادر
دستے راہ ایہہ اج حضوریاں دا، بنے درد منداں دی ٹھال چادر
وارث شاہ دے عشق نیں رنگیا ای، دیوادلان دادیوے گی بال چادر
جیہڑے آئے فقیر دے در اُتے، کرے سب نوں اج نہال چادر
پینڈے مُکے نیں آج فراق والے، لگی پیر دے قدماں نال چادر

چڑھے عیدِ داچن دیدارِ والا، روزے نال آئی ایس سناں چادر

سارا نورِ ظہورِ حضورِ والے، کراں پیش درودے نال چادر

منگو پاک وطنِ دی خیرِ واصف، دیوے سب مصیبتاں ٹال چادر

بنے بات بے کرے قبول سوہنا، وارثِ شاہِ میاں بچیاں چادر

وارث شاہ

وارث شاہ دے بالے ارج بحث چلی، وارث شاہ داکیرہ مقام ہے جی
وارث مرشداں باہجھ نہ سمجھ آوے، گرو دلے دا وارث امام ہے جی
رمزاں عشق دیاں کھول کے دسدائے، وارث شاہ دا عجب کلام ہے جی
نوں ہتھ رستا، سر گنڈھ مارو، وارث شاہ نوں ساڈا سلام ہے جی

وارث شاہ نیں اینج کتاب لکھی، ہیریاں نال بھری، جیویں کان ہووے
ایہیے ترجمے ہرزبان ہوون، پڑھن والا ایہہ سارا بہمان ہووے
کیدو، سہتی تے بھابی علامتاں نیں، گل گل دے دچ نویں شان ہووے
عاشق ہیر نوں اینج پے حفظ کردے، جیویں حافظاں حفظ قرآن ہووے

شاعرِ مثنو تے شاعرِ عظیم اے او، شعرِ دلاں داراز پے کھولدے نیں
 جیہڑے نال عقیدتاں ہی سر پڑھن موتی او ہو مراد دے رولے نیں
 عاشقِ عطرِ گلاب تیار کر دے، قاضی جھوٹ دا پیاز پے گھولدے نیں
 بولن والا بولدا وِچ شعراں، وارثِ شاہِ ہوری کد بولدے نیں

وارثِ عشق دے باغ دے میچ بیٹھا، کرے لفظاں نال گلکاریاں نی
 کتے پریم دی وِجھلی وِجھدی لے، کتے عملاں باہجِ خواریاں نی
 کتے کاں نوں دے کے کوئج جیتی بازاں نال پیالیندا اڈاریاں نی
 وارثِ شاہ لے پیر او ہناں عاشقاں دا چہناں چتے بازیاں ہاریاں نی

وارثِ شاہ دا شعرِ الہام سمجھو، کوئی کمی نہ ایہدی تاثیر دی لے
 چہناں وِچ سمندراں کھیڈ کیتی، لوڑ او ہناں نوں سدا پنچ پیر دی لے
 گلاں وچوں پیاکد دا گل وارثِ گل، ہیردی کدوں گل ہیردی لے
 وارثِ شاہ نیں جو فرما دتا، گل پتھر دے اُتے لکیر دی لے

وارث پریم دے کھوہ پیا گیر دائے وارث پیار دے گیت پیا گاوندا
کدے سنگلی سٹ کے شکن بولے، کدے ونجھلی پیا وجاوندائے
کدے مست است ہو جاوندائے، کدے رھڑے یار مناوندائے
جنماں گرو دوارانہ وکھیا لے وارث اوہناں دی سمجھ نہ آوندائے

وارث شاہ دی لوڑتد پیندی، جد جگر دا پھوڑا کوئی پک جاوے
وارث آس دیاں منزللاں دسدائے بے آس عاشق جد تھک جاوے
جھوٹے فتوے سُن کے قاضیاں دے، جد پریم پجاری کوئی اک جاوے
وارث شاہ دے جوگ نوں کون روکے، دیڑے کھیڑیاں وچ بے تھک جاوے

وارث مست است دے شرتباں دے وارث حُسن تے عشق دیاں بانیاں نہیں
وارث اووی کم بنا دیوے، جیہڑے کم وگاڑے ہن قاضیاں نہیں
اکھاں کھلن تے وکھیو جہان اندر، رانجھے یار دیاں کارسازیاں نہیں
کیتا یار دا حکم قبول ایسا، جیساں وڈیاں ازل دے رازیاں نہیں

بیر شو بھدی نال رنجھیٹیاں دے، سہتی نال مراد دے سجدی اے
عاشق رُوندے عقل دے انیاں نوں، خلقت عاشقاں تے پئی ہسدی اے
نیادار دی دیوے مثال وارث، مکھی شہد دے وچ جیویں بھسدی اے
بالنا تھ دابا لکارا زکھولے، مستی دکھری جوگ دے رسدی اے

وارث شاہ دا وطن جہان سارا، وارث چن ستارے دی گل کردا
چدے عشق نوں عاشق ایمان کھندے اوس یار پیارے دی گل کردا
جیہڑا لیلۃ القدر چ نظر آوے، وارث اوس نظارے دی گل کردا
وارث اک رنجھیٹے دے رُوپ اندر پورے گرو دوکے دی گل کردا

وارث شاہ سخن دا شاہ وارث پیا عشق دی شرح نوں کھولدا اے
وارث شاہ مقاماں توں نسا اے تدے سخن ملامتی بولدا اے
موتی کڈھ کے فکر سمندراں دے، پیا چکڑاں دے وچ رولدا اے
واصف وارث نہیں ایہہ کیہہ کردتا، کیوں لونگ سپاریاں تولدا اے

بجھارت

کھیتاں دے وِچ کَلَم کَلی
کِنوں دیکھن آئی جھلتی
ریشم ورگے وال نیں اُس دے
کھناں تے دُھاں دی بٹی
موتیاں ورگے دَننیں اُس دے
بِسر تے مارے ایہہ دوپٹی
چُک چُک اڈیاں دیکھی جائے
پچھو کس اڈیک اچ کھلی
ایہدی بُجھل دے وِچ پے گئی
ایہدے جو بن دی تھرتھرتی
شیر دی بچھی ڈر دی نیں لے
جو آوے او بِسر تے جھلتی

کدھرے کئی جان نوں روئے

کدھرے پیلاں پاندی جھتی

سارے پنڈ دا مان اے سوہنی

چکھو تے مصری دی ڈتی

واصف کسند ا بچہ بھارت

اُس داناں کئی دی چھتی

ورولے

دُوروں آکے ویڑے ساڈے اَنج دھمالاں پان ورولے
ساڈے لہوچ لکھے ہونے پیارے وقتے کھان ورولے
آساں دے دیوے پئے بجدے چھاگئی رات ہنیری
ویلے دی اکھاں دے اتھر وچک چک اُڈ دے جان ورولے
ساڈیاں سوچاں دے سب بوجھے وار واری بند کر دتے
ساڈیاں فکراں دے سر چڑھ کے بن بیٹھے پڑھان ورولے
جس سر اُتے سجدی سی کل عزتاں والی پگ
پیلیاں پا کے اَنج اوس سر تے چوکھی مٹی پان ورولے
آپوں ساڈے بوٹے پٹن ، آپوں باغ اُجاڑن
ماتم کر دیاں ویکھ کے سانوں آتے نیں پرچان ورولے
اسماناں تے چڑھ کے واصف اکھاں توں او جھل ہو جانے
کو بجاں نوں ڈاراں توں کڈھ کے دکھرے رستے پان ورولے

جوگی

ساڈے ویٹے جوگی آیا بنی مصیبت بھاری اے
پیکے گھر وچ کد تک ہناں آج سسرال تیاری اے
غسل دیو، مینوں جوڑا پاؤ، عطر تے کافور لگاؤ
کہنا متو جوگی دا جس ڈولی آن کھلاری اے
جو چاہندا او آپے کر دا، نہ کوئی چیندا نہ کوئی مردا
صدقے جلتیے اس سوہنے دے جس دی شان نیاری اے
اچھے نیویں، اوکھے ڈاہڑے پریساں دے پنیڈے نیں
جے جانا سہی تے فیر کاہنوں بیہہ کے عمر گزاری اے
آون والے نیں ٹر جانا، جس نے جانا مڑنسیں آنا
دسن والی گل نیں کوئی جتی بازی ہاری اے
اوتھوں اڈ کے ایسھے آئے، آج ساہنوں اودیس بلاتے
اودی اک اڈاری سی تے ایہہ وی اک اڈاری اے
لے چتو مینوں ڈولی پا کے، روون بھیناں، ویرنہ پاپے
اللہ حافظ کر لو واد صفت سب دی آنی واری اے

سوچ سمجھ کے چکیں بھار

اینویں نہ لا بیٹھیں یار
پہلے کر لے سوچ و چار

ایتھے یوسفؑ ورگے بڑے
مَر دے جیندے جیندے مَر دے
یار دی خاطر کی کچھ کر دے
وکن پیندا ایس بزار

اینویں نہ لا بیٹھیں یار
پہلے کر لے سوچ و چار

ایتھے دولت دانیں کم
ایتھے اگلے منگدے چم
ایتھے کوئی نہ کہندا ہم
ایتھے تم دی اے سرکار

اینویں نہ لابیٹھیں یار
پہلے کر لے سوچ وچار

ایتھے سسی تھل وچ سڑدی
سوہنی کچھے تے پستی تردی
کوئی نہ ایتھے مانگاں بھردی
ہیر سہٹی کھجس خوار

اینویں نہ لابیٹھیں یار
پہلے کر لے سوچ وچار

ایتھے دنجھلی کم نہ آندی
رورولنگ گھ جیاتی جاندی
کلی کونج پستی کر لاندی
سب پاون ہنجاں دے ہا

اینویں نہ لابیٹھیں یار
پہلے کر لے سوچ وچار

ایتھے غم دیاں چڑھیاں کانگاں
ایتھے ہو کے، ہنخو تاہنگاں
ادھی راتیں ملدیاں بانگاں
ہمت ہے تے نفل گزار

اینویں نہ لا بیٹھیں یار
پہلے کر لے سوچ وچار

ایتھے سارے شیشے ٹکڑے
دنیا والے کرجاں ٹڈے
موت توں پہلے ساہ پئے کھڈے
سوچ سمجھ کے چکیں بھار

اینویں نہ لا بیٹھیں یار
پہلے کر لے سوچ وچار

گل وچ کفنی کن وچ والے
ایتھے پیراں ہیٹھ دوشالے
ایتھے کھٹیاں کوئی نہ گھالے
پتاں لہندیاں بھرے بازار

اینویں نہ لا بیٹھیں یار
پہلے کر لے سوچ وچار

ایتھے کھل لہانڈے ساکے
سُولی ٹنگے جان وچاکے
ایتھے وگدے خون دکھاکے
پہلاں اپنے آپ نوں مار

اینویں نہ لا بیٹھیں یار
پہلے کر لے سوچ وچار

نہ کوئی دُور نہ ایتھے نیرٹے
وِچے بیڑے وِچے جھیرٹے
وِچے رانجھے وِچے کھیرٹے
اپنے اندر جھباتی مار

اینویں نہ لا بیٹھیں یار
پہلے کر لے سوچ وچار

ایتھے واصف شاہ نہ کوئی
پل دی پل و ساہ نہ کوئی
ایتھے دستے راہ نہ کوئی
اپنے آپ نوں واجاں ما

اینویں نہ لا بیٹھیں یار
پہلے کر لے سوچ وچار

”بُکُل دے وِچ چور“

میرا وی ناں رکھو ہور
میرے دل وِچ پے گیا شور

اَج موسم پھلاں دا آیا
بُوٹی اندر مُشک مچایا
چنگا اوہدا ذکر کمایا
پِلاں پاون دل وِچ مور

میرا وی ناں رکھو ہور
میرے دل وِچ پے گیا شور

کافوں نون بناون والا
میرے سردا او رکھوالا
ناں کوئی منکاناں کوئی مالا
ٹٹی اج تسبیح دی ڈور

میرا وی ناناں رکھو ہور
میرے دل وچ پے گیا شور

مینوں ریت تھلاں دی سارے
ٹر گئے ڈاہڑے تے رہ گئے ماڑے
لٹے گئے اسی دن دہاڑے
بُکل لے گیا دل دا چور

میرا وی ناناں رکھو ہور
میرے دل وچ پے گیا شور

ریتاں دے وچ ستردی جانواں

شوہ دریا وچ تر دی جانواں

پُنوں پُنوں کر دی جانواں

پُچھو ہور تے دساں ہور

میرا وی ناں رکھو ہور

میرے دل وچ پے گیا شور

ناں میں پُنوں، ناں میں سستی

ناں میں رچی، ناں میں تستی

ناں میں اُجڑی، ناں میں ہستی

ناں میں کیچ، ناں میں بھنبھور

میرا وی ناں رکھو ہور

میرے دل وچ پے گیا شور

واصف نہیں ایسہ رمز پچھانی

ایسہ حیاتی اُنی جانی

جس نے عشق دی موج نہ مانی

سمجھو او زندہ در گور

میرا وی ناں رکھو ہور

میرے دل وچ پے گیا شور

چٹھی

کلی بیٹھ کے کھیر لوڑاں

کافر تھیواں بے مکھ موڑاں

کل وی تیریاں لوڑاں سانوں

اج وی سانوں تیریاں لوڑاں

لڑگیاں دی لاج نبھایوں

مہندی والے ہتھ پئی جوڑاں

توں ملیاتے سب کجھ ملیا

تیرے باہجھ نہ کوئی تھوڑاں

کتنے دن چھٹیاں توں رہندے

اوسیاں پاواں دن پئی جوڑاں

چٹھی وچ میں دس نہیں سکدی

اپنی بانہہ نوں آپ مروڑاں

منشی جی ہُن چھیتی لکھو

وطنناں تے واصف دیاں لوڑاں

مَنکی گل

چل ڈھولن ہن گل سنجھتی
واپس کر دے ساڈی چھٹی

غلطی کیتی کیتیم پیار

بیتی گل نون واج نہ مار

ڈبئی بیٹری آر نہ پار

دُنیا ساری تیری یار

اساں وی تیری مرضی ڈھٹی

واپس کر دے ساڈی چھٹی

اکھاں نیں جد مکھ وکھایا
دل اکھاں دی گل وچ آیا
جرم ہو یا تینوں سد لگایا
جو آیا او جھولی پایا!

جاندی واری گل کر مٹھی
واپس کر دے ساڈی چٹھی

ایہہ کوئی جرم نیں سی میرا
چہرہ ویکھیا جس دم تیرا
ہوش ٹھکانے کد سی میرا
عقل دے اگے سب ہنیرا

بے ہوشی وچ لکھی چٹھی
واپس کر دے ساڈی چٹھی

وداع

پیتاں رَوون اِج سہیلیاں کا ہنوں بیٹھ کے میرے گھر

میں کئی جانا سوہرے مینوں ملیا سوہنا وُر

میں آپے سد بلایا، او گھوڑی چڑھ کے آیا

میں داج رِناں پٹی ڈرومی، میں جیندے جی گئی مَر

میریاں جنجال چڑھیاں رِج کے، مینوں پایا ڈولی کج کے

میں کہندی اپنے آپ نوں جو آئی سرتے جَر

مینوں پر دیسن کر چھوڑیا مینوں کسے نہیں اِج موڑیا

میں مُڑ مُڑ تک دی با بلاتیرا سنجادِ سدا گھر

جد لائی مہندی رانگلی، میں روندی تے گر لاوندی

میرے سُکتے ہوٹھ نہ بولدے میری اکھاں ہویاں تَر

اِج اکھاں سب نہیں پھیریاں اِج گڈیاں رِسیاں میریاں

میں اُچا بول نہ بولیا، گئے میتھوں سارے ڈر

مینوں واصف راز دسیا، میرا رانجھا ویٹھے آیا

میری گزر گئی پر دیس وِچ، اِج جاندی پٹی آل گھر

بھرے بھڑولے

اَج کنکاں پکیاں پیار دیاں

بسرُچک کے واجاں مار دیاں

ایہہ ادھی راتیں لائیاں سَن

ایہہ حق دی گل نستا دیاں

ایہہ وِچ ہنیرے ہندیاں سَن

اَج دِن نوں اکھاں مار دیاں

اساں رورو کے جو کتے سَن

اُو پنیڈے سب وسار دیاں

اساں اپنی چندنوں واریا سی

ایہہ اپنی حبان نوں وار دیاں

بی اِک اِک کر کے کیریا سی

اے خبراں دین ہزار دیاں

اے لڑیاں سُچھے موتی نہیں

اے دُوروں چمکاں مار دیاں

اے سب بھڑولے بھردیون

اے سارے مہار اُتار دیاں

اے کئی فیکوون نوں لائیاں سن

اے کنکاں و اصف پار دیاں



اساں بِسْمِ اللّٰہِ نوں پڑھ کے اَنجِ کیتی شروع کتاب
وِجِ موراں دے پُر رکھے، اَساں لائے عطر گلاب
وِجِ اَکھاں غوطہ ماریاتے پکڑی زُلفِ دِی رُج
اَساں موتی کڈھیا میم دا، اَساں کیتا کم شتاب
اَساں دَر قے تھلے خیال دے تے کافِ لُجِ دیکھیا نوں
اَساں مستی لئی است دِی اَساں پیتی رَجِ شراب
اَساں نیتاں بنیاں پکیاں، اَساں یاریاں لائیاں سچیاں
اَساں بھلے ساں جَد سمجھیا دل کیتا کم خراب
بن دیکھیاں اوس نوں نیا، اَساں کاسا آپے بھنیا
جَد ڈوری دتی یار نوں ساڈے مُکے سب عذاب
اساں دعوت کیتی یار دِی، نالے اِک دِی نالے چار دِی
دل سِجھاں دے وِجِ ٹنگیا اَساں کیتا پیش کباب
اساں رورورا تاں کٹیاں، اَساں چنگیاں کیتیاں کھٹیاں
جَد آیا ماہی سامنے سانوں دیکھن دِی نینیں تاب

اَساں لکھے خط پیار دے اَساں جنگل و اجباں مار دے
اَساں آپے جا کے پُچھیا، ساڈا اسی کد جواب
حَبد الف، لام ملایا، او اللہ بن کے آیا
وچ میم مروڑی جوڑ کے ساڈا بنیا کم جناب
اَساں پڑھیا اے دالناس نوں اَساں چھڈیا عام تے خاص نوں
جَد نقطہ دیکھیا ب دا اَساں کیتی بند کتاب
اَساں پڑھنے توں چیت چایا، سانوں سوہنا نظر میں آیا
جَد اصف راتاں جاگیاں دن بن دے جاوَن خواب



رُتّاں پھریاں، یار نہ ملیا، ڈھونڈے جنگل بیلے
اکھاں کولوں او جھل و سدا، ساہواں دے وِچ کھیلے

مَر جاداں گے فیر ہو دُن گے اوہے ساڈے میلے
ہجر فراق دے صدمے و اصف کد تک جان تے بھیلے



میں منیا نال یقین دے، میں دیکھیا اکھاں نال
اوہے ہتھ کھنڈی یسین دی، اوہے گھنگھر والے بال
اوہے چلے پلے نوہے، اوہا ہر جا عین ظہوہے
اساں پیراں تے سرسٹیا، اساں چھڈے سب جنجال
اوہدی گھر گھر نوبت جدی، اے ازلی گل نہ آج دی
اوہیم دی بکل مار کے، گل کردا ساڈے نال
جنہاں راتاں بیٹھ کے گالیاں، او سکھیاں کرماں والیاں
جنہاں موتی روئے خاک تے، او ہویاں سب نہاں
اورا جنھا بن بن آوندا، توں ہیر سلہٹی بن
توں چر خا کتیں پریم دا، تینوں ملے گا پریم کمال
اوہنوں ملنا سوکھی گل اے، او آپے ساڈے دل اے
تسی بیٹھو اوہنوں سوردے، او جاوے ڈیوا بال
توں واصف گل نہ من دا، کیوں اپنے دردنوں منڈدا
جاموجاں مان پیاریا، تیری گڈری آیا لال



جہناں لئی اساں دُنیا بھُلی اُدوی ساہنوں بھُل گئے نیں
اک اک کر کے ساکے اُتھر و مٹی دے وِچ رُل گئے نیں
کل تک اپنے دل وِچ گل سی، آج اوساکے شہری گل ہے
وِچ چور ہے مچھٹے بھانڈے، سب افسانے ہل گئے نیں
بند کواڑاں دے اہلے وِچ دل نے بھیت لگائی سی
کھلے وال سجن دے ویکھے، سارے بُوہے کھل گئے نیں
کیہہ ہو یا بے اک دو کنڈے میرے دُگے دُتے آئے
تیرے دروازے تے لکھاں سجرے سوہنے بھُل گئے نیں
زلگاں دا اعتبار نہ کریے، اکھاں وِچ نہ سُرے بھریے
اکو بوند وِچ رنگ پھٹ جانے، کجے کجے ڈُل گئے نیں
پھلاں دی خوشبو ای چنگی، ایدھروں اودھروں بچ کے لنگھیں
جیہڑے بھُل سَن بسردا سہرا آج پیسے وِچ تُل گئے نیں
جتھے خوشبو پیار دی آوے اوتھے جا کے ڈیرا لاوے
روندی دنیا دیکھ کے واصف اپنا رونا بھُل گئے نیں



پکیاں دیویں یار تریکاں
آینویں نہ پئی راہ اڈیکاں
تینوں ملیا مان حُسن دا
ساڈے مٹھے عشق دیاں لیکاں
چنگی کیتی نال اساڈے
تیرے شہر دیاں دس نیکاں
شہراں دے وچ لعل گواکے
جنگل دے وچ مار چیکاں
بھولے یار دے کن بھر دتے
ایسہ کیتا کر توت شریکاں
ڈال جاون نہ بھرے کٹوے
آ، میں تسی لاواں ڈیکاں
دیکھاں مچھل زمین تے واصف
بوٹے میں اسمان تے لیکاں



اَج نُوياں رُتاں آئياں ، جنہاں اگاں آن لگائياں
کوئی وِردا وِردا پچيا ساٹوں لے ڈُباياں ڈُباياں
دن چھیتی ڈُبا پياردا ، ساٹوں جنگل وِجاں ماردا
تینوں دوش نہ کوئی پياريا ، تقدیراں اگے آئياں
توں روزہ چُپ دارکھيا ، نہ پچھيا نہ کچھ دُستيا
توں اک جواب نہ بھجيا آساں لکھاں چھٹياں پائياں
اساں چنگايار بنيا ، جیہڑا اڈيا فیر نہ آيا
او باز پہاڑاں وِسداجس ساٹوں تاہنگاں لائياں
او کچّا کچّ دکھا گیا جیہڑا ڈُبا ساٹوں لے کے
اساں جانا سی اُس پارنوں ساٹوں کچّ لیکاں لائياں
ہُن چھڈّ وِواصف ایس نوں ، ہُن مٹی پاؤ گل تے
جو ہونا سی او ہو گیا ، جو گئیاں مڑنئیں آئياں



ادوی اپنا رونا روئے ادوی دین کرے
جس دیری نے ساٹے بھولے یار دے کن بھرے
چنگا ہندا بے مل جانڈے یاری لاون والے
صدقے جائیے دُنیا دے ہُن وکھو دکھ مرے
اپنے سائے توں وی ڈردا، دل دی گل زالی
ایہو دل کانگاں نوں ٹھٹھے ایہہ طوفان جرے
موت جیاتی دوویں میری ہمت دے ہتھ آئیاں
رولی مٹھی وچ جیاتی، میٹھوں موت ڈرے
جو کیسا سی اوہی ہویا، ہتسن والارنج کے رُیا
اُپے لائی اُپے توڑی واصف کیہہ کرے



ہولے ہولے بدل گئی اے اپنی ہی تصویر

اندرو اندر کم کمر حبانڈی بندے دی تقدیر

اُنچ تے بڑے کرم ہوئے نیں، بڑیاں لہمتاں ہوئیاں

میری اک دُعا پرانی، لبھدی پھرے تاثیر

حسن اساڈی منزل ہوئی، درد اساڈی راہ

ہاواں ہنخو سنگت ساڈی، عشق اساڈا پیر

چھتے تختِ فزانے ہوون اوٹھے اَساں نہ جانا

چھتے عشق دے تنبو لگن او ساڈی جاگیر

لوحِ قلم دی طاقت دے ماتحت زمانے سارے نیں

را بنجھے کھیڑے دیکھدے رہ گئے وارث لے گیا ہیر



سب بہاراں یاراں نال

آیا ماہی، پادھمال

پچھیں آدن والے دا

دستیں نہ توں اپنا حال

عشق کمانا سوکھانیں اے

گل نہ پا بیٹھیں جنجال

چپٹی گھوڑی والا آیا

اکھاں دے دینچ ڈیوے بال

چنگی گل اے گل نہ ہوئے

ہو جاوے تے گل نوں پال

بھل جاوے گے چانن دن دے

راتاں نیں تہ کھولے وال

مرناں پیندا داصف ای تھے

چیندے جی نہ ہون وصال



ایہہ ہمسائے ایہہ ماں جلئے

کندھ ایہناں دی ساڈے سائے

اودی اک بہر روپن نکلی

میں وی لکھاں بھیس وٹائے

چیندے جی گل اک نہ متی

قبراں تے جا پھل چرھائے

سچے موتی ادا لے جاون

چہناں اپنے بھید چھپائے

مرد قلندر ادا ہے واصف

سولاں نوں جو سینے لائے



آینی جلدی کرنے پیائے تھوڑی دیر تے ٹھہر
آپ اجاڑ نہ دیتے ہتھاں نال دسا کے شہر
کل انصاف جو ہونا، ساہنوں آج نظر پیا آوے
اکنناں دے برہمہر داسایہ اکنناں تے دُپھاں اقر
دیکھن دے وچ جو سمند رہندے چپ چیتے
اندروں گچی ڈھاہ پی لائے گچے غم دی لہر
دیو مبارک سیوینوں، گل نہ میٹھوں پچھو
سجرے کن پڑوا کے آیا جوگی ساڈے شہر
لکھ حکیم طبیب سیانے کوئی نہ ساڈے مرض نوں جانے
ہُن علاج دی لوڑ نہ کوئی، لوں لوں د وچ پیادازہر
پل پل گھڑیاں کٹ دیاں جاوے، و صنف تھوڑی دیر دے ساون
ترکے ویلے پچھے رہ گئے، آگے آیا پچھلا پسر



آپے نسیں بلدی بالی اے

اساں اپنی رت اُچھالی اے

جو ڈھولاں وانگوں گج دا اے

او بندہ اندرون خالی اے

کل تک جو ساڈا دیری سی

آج ساڈے باغ دامالی اے

توں آئی تے میں دستاں گا

کد پُرو آون والی اے

جس ناری داشوہ گھر ودا

او ناری کرماں والی اے

واصف کیہہ دَسناؤں

سر دِتا تے گل پالی اے



کوئے ورق پلٹ دا جا

پڑھ کت باں سٹ دا جا

ناں سمجھیں ناں دیکھیں اُس نوں

اللہ اللہ رٹ دا جا

جو بُوٹا توں ہتھیں لایا

اپنے ہتھیں پٹ دا جا

جانڈی واردا میلہ سمجھیں

جو بل دا ای کھٹ دا جا

تیرے سردا نل حُدا ئی

ایںویں نہ سر سٹ دا جا

ایس کارن ایہہ پتاں بنیاں

چھج اچ پاکے چھٹ دا جا

یار دلیلاں دے وچ پیا

واصف توں وی ہٹ دا جا



اُد دی نیں اسماناں اُتے اپنے آپ پتنگ
جدے ہتھ بچ ڈورے تیری اوہدیاں خیراں منگ
میں ہتساں تے یار بھیرے، جے رداواں تے کلا
دکھاں دے ٹاپو دے اندر کوئی نہ جاوے سنگ
غم جوانی نوں کھا جاوے، ہڈیاں ماس سُکاوے
پہلی بوند بچ پھٹ جانے نیں چکن والے رنگ
اے حیاتی اپنی ساری روح تے بُت دا جھگڑا
رانجھارا انجھا کر دی مرگئی سیدے یار دی منگ
کوڑی دُنیا دے ویچ دا صف سچی گل نہ کریے
سارے کوڑے کٹھے ہو کے دیندے سولی ٹنگ



میرے ہر تے امبر ڈنگیا، میں تے چن دی جاں
میں اپنے آپ نوں ڈنگیا، میں سپاں دی دی ماں
میں پونی کتی پریت دی، میں جتے پریم دے کھوہ
چنے چلدی ماہل نوں توڑیا، میں جپ دی اُس داناں
میں اپنے دل دے غار وچ جد وکھیا ساون ڈھول
میں اچیاں بانگاں دتیاں، میں سجدے سپس دھراں
میں سُستی خواہاں دیکھدی، میں پیڈی پانی گنڈھ
جد جاگی یار نہ بھیا، میں جیندے جی مہرباں
مینوں لوکی پاگل آکھدے، میں ڈھونڈن چلی یار
میں لعل گویا شہر وچ، میں جنگل دے دل جاں
میں جگت گرد نوں سویریا، میرے وگڑے کم بنے
اوہنے گھونگھٹ چکیا میم دا میں کلمہ پڑھدی جاں
آج ہندی لان سہیلیاں میں سداسہاگن ہونی
میں صدقے جاواں اوس دے جس داصف رکھیا ناں



کیہڑا کیہڑا رونا روئیے سارے روگ اوتے نیں
بے درداں نیں ساڈے گھر دے پھپھادیں وی ملے نیں
ایس دُنیا دی بھیر دے اندر جد میں سوچ و چاری اے
اک دُوبھے دے نیڑے وسدے ٹاپو اُنج اکلے نیں
جھلا جان کے چھڈ نہ جاویں، گڈڑی دیکھیں ہتھ نہ لاویں
لکھ سیانے تیرے درگے راہ تے پائے بھلتے نیں
جد دا درد لگایا ڈیرہ، چن ستکے امبر میرا
شکر کراں میں لکھ لکھ واری دن خُشیاں دے ڈھلتے نیں
قاصد دیکھاں، چھٹی دیکھاں، چنگا کیتا میریاں لیکھاں
موت سر بانڈیں آکے بیٹھی، ہن سینہ ٹے گھلتے نیں
چنگا ہندا، کجھ نہ ہندا، نہ او ہندا نہ میں ہندا
جنہاں لئی ایہہ دُنیا چھڈی او ساہنوں چھڈ چلتے نیں
اگ پرانی نہ پے سیکو، جھاتی مارو، اندر دیکھو
جو لگی اے اک گھر و اصف سارے اُس وچ بتلے نیں



رکھہ کراں اکلاپے دا

اپنے دھی پُت ماپے دا

گھجیا درد حُب دائی والا

اَنج نَسِیں کل جاپے دا

اَنھے بولے راہ دکھاون

رونا ایس سیاپے دا

ساتھوں ساڈا حال نہ چھپیں

سانوں لا کے آپے دا

ہر چہرے وِچ لکھاں چہرے

آیا دور وٹاپے دا

ہر بندے تے جھولا پیندا

سانوں اِک سرپے دا

واصف ملہاراں دے برتے

دیک راک الاپے دا



اکھاں دے وِچ وِسن والا سوہنا نظر نہ آوے
دل نوں ٹھنڈک دیون والا دل نوں آگ لگاوے
کالی رات جُبدائی والی اپنا رنگ دکھایا
پچھو نہ کیوں کالے ہو گئے، سوتے، پیلے، ساوے
ہتھوں باز اڈا کے سستی تھلاں دے وِچ رُتی
چِلی وا دھچھوڑے والی کو بچ پئی کمر لادے
آساں ماری ہیر و چاری کر دی ہندی آہاں زاری
کنتیں رانجھا مندراں پا کے آوے یا نہ آوے
دیوے خشتیاں دے جُجھ جانکے، ہاں سے ہنخوبن جانکے نہیں
دس دے شہر نہ بلدے جتھے ڈیرہ عشق لگا دے
کاہنوں، کیویں، گد کہیہ ہو یا بچھن لوگ بگانے
لوکاں نوں دس تیرا داصف کیٹری گل سناوے



آسے پاسے سارا بٹلہ

میں وچ بیٹھا کلم کلا
دنیا نوں جھولی وچ پکے

ساہنوں کہندا چھڈ دے پلا
پاگل دی گل سٹو نائیں

کل دا موہری آج دا جھلا
دل دے اندر ویری دسدے

اپنے آپ تے بولو ہلا
جبا دو گرانگلی توں لاہ کے

ساڈے گل چچ پاگی جھلا
جس بکّل وچ تھاں نہ لہتے

چھڈو اس بکّل دا پلا
تیری دھون تے ہتھ آساڈا

جو کر دا اے، کر دا اے اللہ

واصف سن شیشہ کیہ کہندا

توں دی کلا، میں دی کلا



اک پردیسی یار بنایا
اڈیا بازتے فیہ نہیں آیا
رکھہ کھٹیا جس نیوں نہیں لایا
جس نے لایا او کچھتایا
رناں بل مینوں دیو ودھائی
میرے دیڑے جوگی آیا
کچھتے دستو کیہہ ہو یا اے
مینوں کیوں سب نہیں پرچایا
چنگی دا وچھوڑے والی
جس نہیں ساہنوں گل نال لایا
”ب“ دے جھگڑے ساکے مکے گئے
”ا“ اکلا نظر میں آیا

خیر دیاں خبراں آون شالا
واصف دل دا پھل کملا یا



سوسو واری جلیے والے

سوج نوں پئے کھاون تارے

تینوں اکوروگ اے تیرا

تینوں سارے لگدے پیارے

پر دیسی دی ہستی کیہہ اے

گلیاں دے لکھ جس توں بھارے

آنا جانا خالی ہتھیں

آینویں بیٹھا پیر پزارے

میں دی تیرا کجھ لگدا واں

کجھ ارشاد دی میرے بارے

جھوٹن والے سستے سوں گئے

حالی پنڈیگاں لین ہلارے

کل تک واصف چنگے بھلے

آج پئے غزلاں کہن و چارے



پر پھانویں دے جنگل دے وچ اپنے آپ نوں وا جاں مار
آسے پاسے اگ لگا کے وچے اپنے آپ نوں ساڑ
ایںویں نہ پیا پچھے نسیں، رونا پے گا تھوڑا، ہتسیں
وسدے گھرا جاڑ کے رہندی جنگل دے ہرناں دی ڈار
جھوٹ وی اک دن سچ ہو جاوے، گڈاناں برات دے آوے
گڈیاں کھیڈن واسیے گڈو، ایہہ گڈا وڈا فنکار
مجبوہاں دے کول نہ بہناں، دُوروں دیکھ کے راضی ہناں
اٹھواٹھ لگا دن گے ایہہ، جس دم ہوئیاں اکھاں چار
جیندے جی ایہہ پتاں لاہندے، بدنامی دے چھج وچ پاندے
مَر جانیے تے قبر اُتے لوکی بَنھ دیندے دستار
نال سکندر چنگی کیتی، نھنڈر نیں آپوں رُج کے پیتی
جے توں پینا آب حیات، اپنے دل وچ غوطہ مار

کیوں کروا ایس آہاں زاری، عشق دی بازی سب نہیں ہاری
جتن والے عشق نہ کر دے او کر دے نہیں ورنج بپار
نظریں آون جو وچالے، باہروں ہولے اندرں بھارے
ہردی گڈری لعل ہے پیارے، واصف مہرنوں کھنایار



کورے کاغذ کیتے کالے

دل دی رہ گئی دل وچالے

لوکاں نوں دیدار دے کاسے

ساہنوں دتے ہجر پیالے

سجھن پیارے ساہ تے ستے

مڑ نیسے اندرے جاون والے

کیچ نوں کر گئے کوچ پیارے

سستی نوں گل لاون والے



سچی دس بے دردی ڈھولا ہویا کیہہ قصور

کاہنوں سانوں نیڑے کیتا بے کرناں سی دُور

مڑ کے ہتھ نہ آون گے ایہہ شیشے نہیں انمول

سانبھ کے رکھیں دل اساڈا کریں نہ چکنا چُور

دھپیاں دے وچ بھکھے نوں نہ سایہ ملے نہ پھل

دُنیا دار دی یاری سانوں دتے رُکھ کھجور

تُر دی مردی آئی بُردی لکھ جھناں دے پانی

جیناں مرناں پیار دے اندر کیتا میں منظور

کدے نہ کہنا منیاں میرا تر لے کر کے موٹی

توں سندور نہ لایا سانوں آج لا کفور

دل دیتے تے ایتھے واصف ہر وی دینا پیندا

عشق دی نگری دا دُنیا توں وکھرا اے دستور



اُون دُکھ تے دُور بلاواں، سُکھ اُون تے سبجَن لکھ
تستی نوں ترساندے رہندے دُوروں بدل گجَن لکھ

اصل دی اے کھیڈ پیارے نقل لکھ نقل پٹی مارے
اے مرجانے مور نہ بن دے بھانویں کال پٹے پنجن لکھ

ماں صدقے ماں واری جاوے جو لکھی اے جھولی پاوے
آخر آنا ہیٹھ چھری دے بھانویں بکرے پنجن لکھ

ایہہ سوادِ سیراں سنگِ جانڈے، اپنے ہتھ نہ روکیں یار
اک دو تیراں نیں کی کرناں، میرے سینے وچن لکھ



آج کل میرے چار چوہیرے تیرے درداں لائے ڈیے
جوں دیوے دی لوتے بیٹھے پہرے دارہنیرے
سرتے جھلتی جو کجھ بیتی ، چنگی وند پیکے کیتی
خوشیاں دے پھل اپنی جھولی ، غم دے کندھے میرے
پردیسی گلیاں وچ رتے ، شہر دا بوا کوئی نہ کھلے
پر پھانویں وی دھپاں مل لے ، دیکھے رکھ بھیرے
اک دو ہون تے گل نسیں کوئی ، ایٹھے سمجھو آخر ہوئی
ہر چہرے وچ لکھاں چہرے ، کیہہ تیرے کیہہ میرے
ایس بستی توں جائیے وارے ، سونج نول پے کھا دن تار
اتھاں کسندائے تھے سارے ، اندر باہر ہنیرے
تیرے ناں دیاں بال کے دٹاں ، ہن میں دسد شہرنوں چٹاں
وصل سراق دی کسنداں دچوں نکلی گل اگیرے

میرے دل دی سپ دے منکے، کجھ اسماناں تے جا چکے
باقی رات نیں اوس بنا کے مھ پلاں اُتے کیرے
ایہدی کجھ تعبیر وی دستو، جگ جگ جیو و جم جم دستو
میں سفنے وریج کپہہ وہیندا آں، پھلاں ہیٹھ بنیرے



میں تتی دے سڑ گئے بھاگ

میںوں ڈنگن پیار دے ناگ

اُچھے شملے والیا راہیا

ساڈے ول دی موڑیں واگ

میںوں پسیبا چھڈ نہ جاویں

آئی میں دریا نوں جھاگ

میں سو جانواں ، سب سو جانڈے

میں جاگاں ، سب جانڈے جاگ

دس میں تینوں کیہہ سناواں

میںوں یاد اے دیپک راگ

آج میں رنج دھمالاں پاناواں

میرے کوٹھے بولے کاگ

دِناں وِچوں رخصت دا دِن

راتاں وِچوں رات سہاگ

چار کھاراں ڈولی چُکّی
واصفِ سب چُکّائے لاگ



دستور نرالاے دنیا دا، اُج کیتیاں تے کل بیتیاں نیں
اُگے آؤندیاں اپنے آپ دے او، بیٹری وِچ دِلاں دے نیتیاں نیں

ایتھے خالی جہناں دیاں جھولیاں نیں اور ہندیاں سدا بڑبولیاں نیں
جہناں بکلاں دے وِچ ماہی و سدا، اور ہندیاں چپ چبتیاں نیں

جہنوں جنگلاں دے وِچ لہدے ساں، او یار ملیا اے دل دے وِچ
جد اپنے آپ دا علم ہو یا، آساں اکھاں اپنی سبتیاں نیں

جے میں جاندی یار نہیں ٹر جاناں، دل کھول کے دکھڑے دس دیندی
میںوں اُج افسوس ایس گل دا اے کیوں رُج کے گلّاں نہ کیتیاں نیں

تسے اتھر وِچ دی گل کر دے ایتھے یار دا فضل کمال ہو یا
پاکے نین پیالیاں وِچ و اصف رتاں کھچ کے دل دیاں سبتیاں نیں



اساں بہر تے غم دے جھڑ ویکھے

اساں ہنجو بن دے ہڑ ویکھے

جیہڑے اسماناں تے اڈ دے نیں

او خیال دے گھوڑے چڑھ ویکھے

کدے ویکھے مُونہ کھاڑی دا

کدے رو رو کے او جڑ ویکھے

ایتھے بن پڑھیاں گل بلدی اے

اساں دفتر سارے پڑھ ویکھے

جتھے و اصف ہو ہو ہندی اے

او وچ اجاڑ دے گڑھ ویکھے



دھرتی نوں اسمان بناوے، عشق دی ایہہ تاثیر

عاشق کہن امام رانجھے نوں، ہیرے معشوقاں دی پیر
ایہہ جیون اک سُنڈ سُنڈ اقصے راہ چ نک جاندا

عمر بچاری رورول بھدی خواہاں دی تعبیر
میں ہتساں تے دھرتی ہتسے رُواں تے روے اسمان

میں ہاں تادرا، قدرت میری، میں اپنی تقدیر
عشق ہے اپنا آپے کعبہ، عشق قرآن حدیث

عشق ”اَنَا اللهُ“، اللہ اللہ! کون عشق دا پیر
تتی ریت، دچھوڑا، پینڈا، کونج پی کرلاوے

لامکانی باز دکھالی دے کے ہووے تیر
عشق خرید تھلاں دارا ہی رورو عمر گزارے

عشق ہری لے ہر ہر اندر، عشق لے بھگت کبیر
تیرے میرے رشتے کوڑے، کوڑا سب پساً

”ماری“، ”چاچے“، ”مامے“ کاہے عشق دے کھڑے پیر
عشق ”الست“، ”بلی“، داقصہ، عشق نفی اثبات

کرت دے وچ عشق دی وحدت، وحدت وچ تکثیر

عشق ”مَرَّیَل“، عشق ”مَدَّیَل“، ”ظہ“ تے ”لین“

ظاہر باطن ذات عشق دی ایو مدھ اخیر

عشق شہید شہادت حق دی عشق رضا دا بندہ

عشق ادیس، ابوزر، جامی، عشق علی، شبیر

عشق دا ڈیرہ سولی اُپر، عشق تے موت حرام

وصل فراق توں عشق اگیرے، عشق سمیع بصیر

مَر کے جیندا، جی کے مردا، عشق بڑا کچھ کردا

”موتوا قبل“، ”بل ایماہم“ عشق دی ذات قدیر

عقلاں ناں عشق نہ ہندا، عشق دی الٹی چال

عشق ہووے تے وگدے و اصف اکھاں دے وچ نیر



اچھی تھان تے نیوں لگایا دل میرا پیار دا
او سلطان زمانے بھر دایں بروے دا بردا

کول بلاواں تے ہتھ نہ پتے، مونہہ ویکھاں میں گھروا
واصف یار تسلیاں دیوے ملن دی گل نہ کروا



پر دیسی ٹرحبانا، مٹھے وٹ نہ پا

بے پروائیاں چھڈ دے دل نوں بھٹ نہ پا

ایہہ دوچار دناں دا میلہ دُنیا دا

میلہ دیکھ توں سبحناں ایٹھے ہٹ نہ پا

ایٹھے موتیاں ہیریاں نہیں کم کرنا اے

ایس تر کڑی دے وچ مائی اٹ نہ پا

پہلے کر دیدار تے فیر گل بن دی اے

اوس دے ناں دی خالی ایٹھے رٹ نہ پا

اگو سوٹی ناں نہ سب نوں ہاکی جا

نچرتے کاٹھی، گھوڑے تے چھٹ نہ پا

اندر اندر سڑناں و اصف چنگا نہیں

راز اگل دے مونہہ وچ بیٹھا وٹ نہ پا



میرے دل وچ پئے گیا شور

میراوی ناں رکھو ہور

مینوں کانگِ سلاماں کردی

مینھوں ڈردے ڈنگر ڈھور

بندیاں کولوں کیہہ منگدا این

بندہ بن کے ربّ نوں سور

اوس دا کیچ سلامت دستے

جس لٹیا ساڈا بھنجور

اپنے گھر وچ جھاتی مار

نہ پا ساڈے گھر وچ شور

جس دی یاد اے ساڈے دل وچ

اوہدی ساڈی اکو گور

واصف ایہہ تماشا چنگا

شہراں دے وچ پندے مو



اپنا خوَن پوا کے پنڈاں شہر و سائے
شہراں وِچ گواپے جو پنڈاں توں آئے
اوہو شے جو کندے سوہن لے کے آنا
ریجھاں سدھراں نال میں اپنے کن چھوڑائے
اپنی صورت وی اپنی نیئیں لگدی اے
اُپتے بول امی شیشہ بن کے اگے آئے
توں وی لے بہاراں راوی پارگیوں
میں وی تیریاں یاداں دے پھل دھتے پائے
اڈھی راتی سورج چمکاں ماردا لے
دِن نوں واصف تارے مینوں نظریں آئے



آپے اپنی گُلی ساڑی، آپوں اگ لگائی
جددی لگی ساڈے اندر ویری ہوئی حُبدائی
میں جوانی اوکھی پالی کھاکے دُدھ ملائی
واورو لے چلے جس دَم ایسہ وی کم نہ آئی
شیشے ٹُٹے مڑکد جُر دے، کرجاں ویکھ نہ رو
جو ہونا سی اوہو ہو یا، لکھی جھولی پائی
بندہ بندے توں تھک جاندا اے قدت دا کھیل
لوکی کسندے پیار دے اندر چنگی گل حُبدائی
ساڈے نال لڑائی کاہدی من و اصف دی گل
ایس دُنیا چ وِر لے وِر لے یاری لانبھائی



جیہڑی بُوٹی دِل دِیچ لائی او بُوٹی اَنج پھسل گئی اے
دورو کے جو لکڑی سکی عشق دی اک لہج بل گئی اے
لمیاں عمراں دے پنیڈے وی آخر نوں مک جانے نہیں
کی ہو یا بے تیری اک جوانی ای تھے ڈھسل گئی اے
میرا دوش نہیں اے کوئی، جہ تک ہو یا گل کوئی
کتنوں کئی لکدی چھپ دی بھرے بازار چ گل گئی اے
ایویں نہیں پے ڈیوے بلدے، ایویں نہیں پے جھنڈے بلدے
روضیاں والیاں قبراں دے وچ تیرے عشق دی سل گئی اے
چپ چپیتا زہرنوں پیتا، واصف نہیں بدنام ناں رکیتا
مینوں دیکھ کے دُنیا دی اکھ آپے تیرے دِل گئی اے



کریں نہ ایسے رُوپ دامن

مُونہ تے پیارے مٹی پان

دیکھی جا دنیا دے رنگ

دنیا نول اپنا نہ جان

عشق دے اوکھے موڑتوں بچ

عشق اُجاڑے سدے بھان

میریاں میری جھولی پین

تیریاں تیرے اگے آن

سپاں دے پُت مِترنا ہیں

سُنیا نہیں توں لے اکھان

واصف چھتے ہیرے بن دے

میں اوہ لبھ لٹی اے کھان



ستی کو کے ، تے تے تھل

سوہنیاں رہا پُنوں گھل

پر دیساں دے کھیرے چھڈو

وَل آو ہُن وطنِاں وُل

جانڈے جانڈے اگاں لا گیا

کن چ کہہ گیا وڈی گل

شہر دے دیوے ساکے بچھ گئے

چل ہُن گرو دوارا مل

نویں بہار نے رنگ دکھایا

نہ کوئی پھل تے نہ کوئی پھل

باہروں واصف سب چنگاے

بندہ اندروں جہاندا گل



کوئی دیویوں کم دی مت بھرا

ایتھے کد آواں گے دت بھرا

جنھیں بولیا حرف مجت دا

ایتھے اُدی بن دی گت بھرا

اینویں کنداں پے اُسار دے او

ایتھے پینی کوئی نیں چھت بھرا

توں کلا ایدھ رنہ آویں

میری راہ وچ بیٹھے ست بھرا

ایتھوں نیویں پا کے نسی جا

ایہہ پریا لاندھی پت بھرا

جد چاول گھر وچ مک گئے

پے مونہوں منگن بھت بھرا

اوہنوں واصل دل وچ دیکھ لے

اینویں بہتا شور نہ گھت بھرا



تیری یاد دے سنجے شہرِ وِچ میری ذات گلی دا گھ
رورو کے ہُن اُدھی رہ گئی تیرے نال جو لائی اکھ
اس دنیا دی یاری تے اتبار کرن توں پہلے سوچ
خود غرضی دیاں قبراں اندر لوکی رہندے دکھو دکھ
یاراں نال بہاراں کد تک، کد تک روپ دے میلے
جھتھے قہر دے سورج چمکن اوہ پنیڈے دی اکھ وِچ رکھ
نیتاں دے بسر سہرے پنیڈے، نیتاں دے گل پنیڈے پھا
دل دا کافر کافر رہندا، بھانویں حج کر آوے لکھ
واصف عشق دی بستی دا دستور نرالا ہوندا لے
جے مرنے دی ہمت نیس لے اس بستی وِچ پیر نہ رکھ



منگیاں ملک تے تخت نہ بے کولوں تیرے باہجھ نیس کوئی تھوڑے مینوں
تیرے عشق نیس تاج پوایا اے، ہُن ہور نیس کوئی لوڑے مینوں

میں تے خیال دا پچھی چھوڑیا سی، تیرے باغ دا پھل نہ توڑیا سی
ایناں جرم تے ایسی سزا سجن، کاہنوں جنگلاں وچ گیا چھوڑے مینوں

جہناں لئی اساں جھگا گالیا سی کچے گھڑے تے عشق نوں پالیا سی
جد غم دی کانگ نیس زور کیتا، او گئے جہناں وچ رُوہے مینوں

ساری عمر گزاری اڈیک اندر، تیرے پیار دے انت نون وکھیا اے
لوہیا مٹی ہو یا پارس کس کارن، ہن ملنے دی نیس کوئی لوڑے مینوں

واصف پریم دے نال پریت کیتی، اکھاں نال ویکھی جیڑی تن بیتی
شیشہ ٹٹاتے کچھاں وی اڈ گیتاں، ہُن کوئی نہ سکدا جوڑے مینوں



رات ہنیری ، کلا ٹاپو ، اتوں ماہ سیالا
میں وچ کلا بیٹھ کے پیواں آب حیاتی والا
دل وچارا یاداں کردا میں پالے وچ ٹھہرا
برقاں دے وچ اگ پئی بلدی دیکھے دکھیں والا
گل کرے تے دُورنوں جاندی چپ کرے تے مردے
جس نیں کڈی جان اساڈی او ساڈا رکھوالا
لوکی کہندے تڑکا ہو گیا ، ساڈی رات نہ نکئی
ساڈے بھانیں ایہو سورج ، نہ چٹا نہ کالا
مُشک تے عشق نہ چھپن و اصف دنیا ساری جانے
جیہڑا اپنا روگ چھپاوے او ہے ہمت والا



آون حباون والا ساه

چُپ کر کے پے جاندا راہ

جیٹری آپوں کند اُساری

اَج او ساڈا روکے راہ

بُھکا ہوواں تے میں کمتی

پتے مال ہووے تے شاہ

جس بکتر دی چھاں نہ ہووے

اوس بکتر دے چھوڈے لاه

میں رانجھے دی رانجھا میرا

چاچا کیدو خواہ مخواہ

اَج تیری آساں دی پنڈ

واصف بستر توں سٹئی لاه



باہروں پچھے اندروں کالے

ایسہ بگلے میں آپوں پالے

مکڑھی وانگوں بندا رہندا

ذہن بیچارا سوچ دے جالے

پُستی نیس کیہ رنگ جمایا

جانن ناچ نچا دن والے

اپوں بیٹھ کے مھلاں دے مچ

کیتا ساڈے بارغ حوالے

کتنی کھپ مچاندے بندے

آج آئے، کل جاؤن والے

اپنے دل دے دروانے نوں

لائے پکے پیڈے تالے

واصف ہن عتبار نہ کردا

تیرے وعدے دیکھے بھالے



راہ کھوجو اپنے اندر دا

کوئی وِرا لا موتی لے تَر دا

جو ٹھاٹھاں اکھاں وِچ مارے

یہں موتی اوس سمندر دا

جھٹھے اپنا کاسا توڑیا اے

او غیراں دے کاسے بھردا

ایتھے لکھاں آکے ٹُگے نہیں

اَج توں ایں مالک جس گھردا

کینہہ جانیاسی توں واصف نوں

ہُن رگڑا کھافتلندردا



جو کیفیت سو آگے آنی

دُودھ دا دُودھ پانی دا پانی

تیرا اک علاج میں دستاں

چینی دے وچ تھوڑا پانی

کالی رات حُب دانی والی

ایہو ڈین اے بندے کھانی

لکھ بلاؤ مُڑنسیں آندی

روگی کر کے جائے جوانی

جیہڑی نظر نہ آوے واصف

اوہو صورت دل نوں بھانی



میرے دل دے موپے وچ لٹھی، تیرے درد دی فوج کماں کیتا
اساں سُکھ منگے تساں دُکھ دتے، کیہہ جواب ملیا کیہہ سوال کیتا

اسی دیکھیا آج انصاف تیرا، آپ مُنصف تے آپ وکیل بندیاں
سانوں ہجر دی سولی تے ٹنگیاے، لوکی چُچھن تے کہویں وصال کیتا

دولت غیراے غیراں دے پاپے، غم دین لئی اپنے یار کافی
دُنیا دار امیر غریب ہندا، سانوں دُکھ نہیں تیرے مالا مال کیتا

تیرے کولوں اساں تینوں منگیا اے، ہُن وچ دلیلاں پے نائیں
اپوں کہندا سی منگو جو منگدے ادا، چنگا ہتھ سوالیاں دے نال کیتا

موسم آن گے فیر بہار والے، پنچھی گیت سہاگ دے گان گے فیر
پنجرے ہون گے فیر آباد و اصف، پنہاں لئی بہاراں جنجال کیتا



جَد دَا کِیتا کرم پیارے ، سارے دُکھ دسارے
مِلیا غم نہ کُنن والا ، سجدے لکھ گزارے
میں ہر حال دے اندر راضی دنیا ساری تلکُن بازی
جَد دَا نکتہ مُرشد دسیا ، جتی بازی ہارے
کچّا وی پکا ہو جَب اندا ، سُچّا پیارا می پار لنگھاندا
چھلّاں نوں گل لاون ولے چنگے ہین من تارے
اک نوں موت کدے ناں آوے ، جو بھلا سو مردا جاوے
جیتیں جیون اونیاں موتاں ، چھڈو سب پیارے
جو لکھیا سو جھولی پایا ، چن اسڈے گھر نہ آیا
اپنے ہتھیں اُچیاں کندھاں واصف آپ اُسارے



کیسہ کھٹیا جس نیوں نہیں لایا

جس نیں لایا او پچھتایا

ماس کھوا کے یار بنایا

اڈیا بازتے فیرنسیں آیا

زل مل یینوں دیو ودھائی

میرے دیہڑے جوگی آیا

ایسہ اکھاں جد دل تے لگیاں

دل نسا اکھاں وچ آیا

کچھتے بولو کیسہ ہو یا اے

یینوں کیوں سب نیں پرچایا

خیر دیاں خبراں شالا آون

واصف دل دا پھل کھلایا



آپے اپنی رت پنچوڑی آپے رو رو پیتی

دسن والی گل نیس کوئی جو بیٹی سو بیٹی

آپ امام تے آپ نمازی آپے اپنے سجدے

آپ نماز عشق دی اپنے کعبے دے سوچ پیتی

تیرا دوش نیس اے کوئی جو ہوئی اے بوں ہوئی

ساڈے نال تے چنگی ساڈے اپنے لیکھاں کیتی

ایہو دوزخ ایہو جنت ایہو حشر دیہارا

جے توں پا کاں دے وچ رہنا کڑھٹ سب پیتی

سوہنے نیس ہن سد بلایا، و اصف نیں آناسی آیا

بسم اللہ بسم اللہ پڑھ کے وڑیا وچ مسیتی



تُسی ہر پردے وچ وسدے او

سانوں لامکانی سدے او

دو موتی پیار دی یاداں دے

ساتھوں کیوں خزانے کھدے او

ایہہ دُنیا گھانی ماکھی دی

کیوں مکھی وانگوں پھدے او

تُسی آخر ٹُڑ ٹُڑ تھک جاناں

کیوں پتلیاں کمر اں کسدے او

ہُن لمیاں کھیڈاں چھڈو دی

نہ سدے او نہ نسدے او

احسان بڑا اے واصف تے

جدی لُوں لُوں دے وچ وسدے او



اساں پورا زور لگایا اے

دن چڑھیا فیروہی سیااے

یا مار دیتے یا مر جائیے

آج اپنا جی گھبرا یا اے

ہن او وی سُنیا پنجا اے

جس سانوں ناچ پنچا یا اے

ایہہ کندھے سانوں پھل ور گے نیں

یاراں نیں تاج پوایا اے

جس باز نوں سلے لبھدے نیں

او واصف دے ہتھ آیا اے



گنگے بولے ساڈے یار

ٹوکن گل نون ادھ وچکار

میں تینوں کدو اج نہ ماری

توں میری کد لیتی سار

میں راوی دا اُرا کسٹا

توں راوی دا پرلا پار

ایتھے بندے گم ہو جانے

توں پگڑی نون لبھیں یار

توں اللہ توں ڈر دا رو

میرا اُدا ازلی پیار

میں الحمد دا ورد کمایا

میںوں بھلیا استغفار

واصف جنگلاں توں ٹر گیا

اینویں نہ پیا واجاں مار



میںوں میرے حال تے چھوڑ

اگرچہاں کر کے ہُن نہ بھوڑ

میںوں اِکو توں درکار

تینوں سب دنیا دی لوڑ

کنڈے بیہ کے پیار نہ ہندا

شوہ دریا وِچ بیڑا روڑھ

آخر مکھناں نیں آ جاناں

نس دن بیٹھی کھیر ولوڑ

جھوٹے بھرم دا کچّا بھانڈا

بیٹھ کے وِچ چورستے توڑ

تیرے عشق نیں تاج پلویا

واصف نوں ہُن کاہدی تھوڑ



سارے اکورنگ دے لوک

دکھو دکھ کی منگدے لوک

سپاں داتے ناں بدناں اے

یاراں نوں پئے ڈنگدے لوک

مٹی دی مورت دے کولوں

حق منگدے وی سنگدے لوک

ڈاہڑا دیکھ کے کرن سلماں

ماڑا دیکھ کے کھنگدے لوک

جیہڑا حق دی واج لگاوے

پھڑسولی تے ٹنگدے لوک

منزل میری میٹھوں پچھ دی

کھتھے رہ گئے سنگ دے لوک

واصف رہندا تخت ہزائے

چنگے لگدے جھنگ دے لوک



ایہہ جیون اک گورکھ دھندا

ایہہ بازار ہمیشہ مند

نمک جاون گے سکے جھڑے

یاراں نے جد پھیریا رندا

عشق نے گل وچ ہار پوایا

سمجھو گاٹے پے گیا پھندا

ساکے متھے عشق دی لیکاں

تینوں ملیا مان حُسن دا

قدر شناس جے رُ نہ جانے

گلیاں وچ کیوں رُلدا بندا



گلاں وِپوں زِکلی گل
جو جانے گا او پاگل

جو آوے ہُن بَرتے جھل
عاشق سب لہاندے کھل

میرا عشق اے سدا بہار
تیرا روپ نہ جلتے ڈھل

جے جو اب دی فرصتِ نینیں
ساڈی چھٹی واپس گھل

کل نہیں آخراںج ہو جانا
آج نہیں جوں توں ہونا کل

پیار دا قصہ و اصف کیہہ سی
ٹٹی ٹہنی، سکتے پھل



اوجس دن دے پردھان بنے

وچ شہراں دے گستان بنے

جیہڑے اکھاں دے وچ رہ گئے سن

او ہنجو اُج طوفان بنے

توں آپے رب بن بیٹھیا سی

اساں آپوں کد شیطان بنے

توں ”شاہ جی“ پیسے نال ہويا

اساں مورچی تے ترکان بنے

کیوں دل نوں قیدی کیتاے

کیوں سینے دے زندان بنے

اساں تاری حافظ ہونا سی

اوہ پاک کتاب قرآن بنے

اُج واصف پڑ دے وچ آیا

گل بنے تے وچ میدان بنے



اُچیاں لمتیاں ٹاہلیاں، گھنی چہناں دی بھپاں
اُج ایہہ بھپاں دُھپاں نیں مل لئی، جائیے کیہڑی تھاں
اپنے آپ نوں دیکھن دا ایہہ نواں طریقہ دیکھو
اپنے کھمب لگا کے موراں اُج پنچائے کاں
زخمی کر دے کُنڈے اس دے انگوراں دے گچھے
میرے ہتھ کوڑی آئی بگر کٹ دا جاں
سُچا پیار تے مٹھا گتا دین دے وِچ پیندا
چُپ کر کے دڑوٹ جا پیلے دیکھیں کریں نہ باں
ساہنوں متاں دیون والا اڈ دا سنگ ہوا دے
میں گلیاں دے لکھاں وانگوں کہنا من دا جاں
شیشے وِچ ہنیرا دسا، کوئی نہیں اُج میرا
اکھاں دے وی دیوے بُتھے دل نیں ماریا تھاں
پُنوں کیتی کیچ تیاری، سستی وِچ تھلاں دے ماری
دُنیا دے انصاف توں اصف واری واری جاں



ساڈی کوٹھی دانے پا
نیں تے ناں سی آپوں کھا

رویں گایا جاویں گا

اکو واری گل مُکا

کیوں روند این، کیہ ہو یا ہے

ساڈے دی کجھ پلے پا

دُوروں بیٹھ کے چمکاں ماریں

نیڑے آ کے مکھ دکھا

تیری سب خدائی ویکھی

اس توں اگلی گل وکھا

واصف کیتھوں منر چھاپانی

لَا إِلَهَ إِلَّا اللَّهُ



دل دے اندر حسانہ کعبہ ، ساڈا ہویا گھر وچ حج
آپ امام تے آپ نمازی ، آپے بانگاں دیواں اج

نیڑے آکے ویڑے ساڈے دسنا ای تے دس
چمکاں مار نہ دُوروں سانوں ، اینویں نہ پیا گج

تیرا اک علاج میں دساں ، جا کے شیشہ ورنج
اپنا کجھ تے نظر نہ آوے ، سانوں دسنا ایں نج

آپے لاوے عشق عدالت ، آپے پھائیاں پاوے
آپ وکیل تے آپے مُلزم ، آپے بنیا اپنا نج

لے میں پنجاواں بال کے چلی ، رکھیں میریاں شرماں
توں لچپال سداوند اوصفت ، پالیں میری لچ



ایہناں قبریں اُتے بیٹھ کے توں اپنی چند نہ رول
ہُن پھلیاں گلاں چھڈ دے کوئی اگلا ورقا کھول
جد کئی سڑے فقیر دی سُک جاوَن کُل دریا
ہے ڈونگا کھومسیت دانہ رسی رے نہ ڈول
ہے مرضی سوہنے یار دی جو چاہو کے آپ کرے
اوہنوں چھڈ د اویکے حال تے توں اپنا کر پھول
کیوں پہناں پچھے نسا، او ہر ہرے وچ وسدا
او آپے پھیر لائے گا توں دل دا بوا کھول
ہن لمبے رستے پیار دے ایس راہ چ سب کجھ ہار دے
تینوں جنگل تھل پکار دے چل اپنے یاراں کول
جو بُہتی گج و ج کر دے، او اپنے ہتھوں مَر دے
او اندروں باں باں کر دے جو باہرں دِس دھول
ایہہ کیہڑے دن دی بات اے، اُج ویکھ سہاگ دی بات اے
ایتھے ماپے کم نہ آوندے گئے گڈیاں سنگ پٹول

چہن چڑھدے لڑکی دیکھ دے اسان بیٹھے نیویں پا

سادیاں تہہنگاں کد دی ہکیاں گل عیداں دی نہ پھول

دین پگے دے کے جاوتاناں سانوں اینویں نہ پرچاوتاناں

گل سچھی و اصف دسدے، اُج کر نہ ٹال مسٹول



آپے روواں آپے ہتساں
دل داروگ کدے نال دتساں
سارا شہر پیارا تیرا
دس میں کیہڑے جنگل دتساں
سوہنا گھوڑے دیئے ہلے
عشق دیاں جد پھٹن دتساں
مینوں اپنے آپ توں خطرہ
کدھر جاواں کدھر نتساں
دوروں پچھن حال اسادا
نیڑے آئیں کن وچ دتساں
جس سمے نیں کل ٹر جانا
اوس سمے دیاں مُشکاں کتساں
داصف یں ہاں تیتا تھل
کون مٹاوے میریاں تتساں



اوہنوں چڑھیا شوق شکار دا او رہندا دل دی اوٹ
او نچھتے تیر چلاوندا، اوہیاں دُھماں چکے کوٹ
او ہنخو کڈھدا ہر دے، پے چھوٹے وڈے ڈر دے
اوہدے ابرو وانگ کمان دے، او مکے اکھ دی چوٹ
او پتھی دے وچ گالدا، او محرم ہر دے حال دا
او کاری گر کمال دا، او کڈھ دا دل دے کھوٹ
او آپے وسدا رسدا، نالے دیندا نالے کھسدا
اوہدے لول لول دے وچ وسدا اوہاناں لیا جس گھوٹ
جو دنیا دا بت بھن دا، اوہدے دل وچ کعبہ بن دا
کدے باہو، داتا بن دا، کدے خواجہ مٹھن کوٹ
او باز کدے نہ آوندا، او سب نون خاک ملاوندا
او کلا بیٹھ چلاوندا اے تقدیراں دے نوٹ
جیہڑا اوس نون راضی کردا، او مر کے وی نہ مر دا
اَج واصف اوہدے ناں توں کر دتی جندڑی سوٹ



یاری لائی آ، توڑ نہبا

کدھر جاناں ایں ایدھر آ

میرے کول جے آنیئیں سکدا

مینوں اپنے کول ہُلا

برفاں دے وِچ محفل لگی

جے دیوا ایں اگ لگا

کھس پھس کم رتاں دا

مرداں وانگوں پڑ وِچ آ

دنیا وِچ قیامت لٹھی

اپنیاں پنڈاں آپے چا

ٹاویں ٹاویں رُکھ نیئیں چنگے

جے لانے نیں سنگھنے لا

واصف تینوں نیئیں بھلے گا

جا بابا مہن سِر نیئیں کھا



ایہہ بن سن موتی انمول

ہنچو سانبھ کے رکھناں کول

شہر دے بُوے کھل جاون گے

پہلے دل دا بُووا کھول

جس دے ناں دی ڈھولک جدی

اوسے یار نوں کہندے ڈھول

جو کیتا توں چنگا کیتا

دبئی رہن دے، اگ نہ پھول

میرے درگا بل جاوے گا

پہلے اپنے درگا ٹول

سونے ورگی اے جوانی

اینویں نہ مٹی وچ رول

اُج تے پتھروی پُچھدا اے

کیہہ چاہناں ایں واصف بول



اساں سوچیا کی سی، کی ہو یا، مت مار گئی تدبیر اپنی
گھوڑا سُفنے دا وانگ دا اڈیا پچھے رہ گئی تعبیر اپنی

اینوں کہندے کمال مصوری دا، جادو سرتے چڑھ کے بولدا آ
اوہنیں اپنے ہتھ نوں چُمیا اے جدو یکھی اوہنیں تصویر اپنی

ایہہ دُنیا گل نہ جان دی اے، وچوں کھیڈ ساری دُھپ چھاں دی اے
میںوں رووندا ویکھ کے ہس دی اے، ہساں میں تے ون دی تقدیر اپنی

پنچھی گاگا کے آخر اڈ جان دے، ایٹھے سدا بہاراں نہ رہندیاں نہیں
باغ ہندا سدا باگاں والیاں دا اینویں سمجھ نہ بیٹھیں جگیر اپنی

تساں وسدے رہناں اخیر تائیں، اساں سدا نہ رہناں جناب ایٹھے
بھابی جد دی آئی اے گھراندا کھاں بہن توں پھیریاں ویر اپنی

بندے کدے ناں آپنوں موڑ دے نہیں، کُنڈے سدھراں دے پے جوڑ دے نہیں
ہتھاں نال بنا کے پان واصل بندے اپنے گل زنجیر اپنی



توں اَنج کل دیاں گلاں کردا

واصف مُدھ مُتدیم دا بردا

اپنی بال کے اپنی سیک

کیوں کلا پالے چھٹردا

لُٹ مچاؤن توں پہلاں او

اکھاں دے وچ سُرْمہ بھردا

اوبدے گل چچ پاؤ ہار

جیہڑا جتی بازی ہردا

رُکھ ورگانسیں کوئی یار

دُھپاں کھانداتے چھاں کردا

تیرے سرتے بڈل کالے

ساڈیاں اکھاں پیٹہ پیاورد

کرگئے کوچ مسافر ایتھوں

جندا ویکھ واصلف دے گھردا